





POSITIONES IVRIDICAE

De

TESTAMENTIS

QVAS

IN NOMINE SACRO-
SANCTÆ TRINITATIS.

SUB PRÆSIDIO

Clarissimi & Consultissimi Viri,

DN. SIGISMUNDI Flach/

V.I.D. ET VNIVERSITATIS ARGEN-

TORATENSIS INSTITUTIONUM PRO-
fessoris celeberrimi,

Fautoris sui perpetim honorandi.

Publici exercitii gratiâ ventilandas exhibet

JOHANNES WOLFFGANGUS FABRICIUS

Windshemio - Francus.

Ad d. 21 Octob.

In Auditorio Ictorum.



ARGENTORATI,

EXCUDEBAT PAULUS LEDERTZ,

Anno M. DC. XXVI.

50.5
33

1626, 7


ILLUSTRISSIMI ET CEL-
SISSIMI PRINCIPIS AC DN. DN. CHRI-
STIANI MARCHIONIS BRANDENBURGENSIS, Duc.
Boruff. &c in superiori Burggraviatus Norici Provincia Consiliariis
intimis, primariis, meritissimis, Consultissimis, fidelissimis, lauda-
tissimis: Viris Generosis, Magnificis, Nobilissimis, Amplissimis,
Præminentissimis, sapientiâ, virtute, varioq; rerum Politica-
rum usu Excellentissimis, Clarissimis; Juris Justitiæq;
Præsidiibus vigilantissimis:

- Dn. URBANO CASPARO à Seilitzsch/ in Kurbis/ Bernstein/
Korbaw & Schwarzenbach ad Salam, &c. Cancellario:
Dn. JOHANNI REUBOLDO, in Rößnis & Rößwitz &c. Dica-
sterii Assessor:
Dn. JOHANNI BAPTISTÆ BAUMIO, Onoldino, U. J. D.
Consiliario, Oratori & Advocato Culmbacci:
Dn. JOHANNI BURGHARDO STADTMANNO, U. J. D.
Consiliario & Advocato Culmbacci:
Dn. LAURENTIO KUPPELICH, U. J. D. Consiliario, Ad-
vocato & Feudorum Præposito Culmbacci:
Dn. JOHANNI FROBENIO, Jurisperito, Consiliario & Ca-
meræ Secretario in aula Culmbacensi:
Dn. LAURENTIO FUGMANNO, U. J. Candidato, Cancel-
lariæ quondam Cancellistæ Culmbacci:

*Dnm. Mæcenatibus, Patronis, Cognato, Affinibus, ac
Fautoribus summa observantia ac honoris
cultu prosequendis, devenerandis:*

Positiones hæc in singularis observantiæ monumentum,
& debitæ gratitudinis, studiorumq; testimonium trans-
mittit.

Joh. VVolfgangus Fabricius, A. & R



THESES I.



Estamentum ex eo appellatur, quod sit testatio mentis.
pr. Inst. de test. ord.

II.

Definitur à Modestino *in l. 1. ff. qui test. fac. poss.*
Voluntatis nostræ justa sententia, de eo, quod quis post
mortem suam fieri velit.

III.

Testamentum dividitur vel secundum jus vetus, vel secundum
jus novum. Secundum jus vetus, aliud erat civile, quod fiebat
aut tempore pacis in calatis comitiis, aut tempore belli in procin-
ctu, aut denique, quod his successit, per æs & libram. §. 1. *Inst. d. t.*

IV.

Aliud prætorium, quod prædictis testamenti generibus pau-
latim ab usu recedentibus, Prætor omisâ imaginariâ venditione
introduxit, eiquè certam formam edicto suo præscripsit, quâ ex
jure civili testium præsentiam uno contextu testamenti celebrandi
gratiâ retinuit, eorum verò numerum auxit, & loco 5. testium
7. testes sub stituit, eorumquè signacula testamentis imponi voluit.
§. 2. 3. *Inst. d. t. l. 23. ff. qui test. fac. poss.*

V.

Quoad novum jus (quod ex jure civ. & Prætorio & Princi-
pum Constitutionibus collectum est) dividitur testamentum in so-
lenne & minus solenne; & rursus vel in scriptum vel nuncupa-
tivum,

VI.

Solenne testamentum illud dicitur, in quo communem &
consuetum juris testamentarii ordinem adhiberi necesse est: minus
solenne, quod perfectum est, etsi communis illa & solennis testan-
di forma in eo non fuerit observata.

VII.

Scriptum testamentum est, quod scripto conficitur. Nuncu-
pativum autem, quod sine scripturâ fit, cum testator voluntatem
suam coram testibus voce & verbis declarat. §. *ult. Inst. d. t.*

A

Quamvis

VIII.

Quamvis testamentum originem suam trahat, quodammodo ex jure Gent. juri civ. tamen potius adscribendum est, cum ab illo certam & specificam formam suam, quæ in condendâ ultimâ voluntate observanda est, & à quâ eius efficacia dependet, acceperit.

IX.

Quando autem quærimus an testamentum valeat, in primis hæc duo animadvertere debemus. 1. an is qui scripsit testamentum habuerit testamenti factionem. 2. An secundum leges testatus sit. *l. 4. qui test. fac. poss.*

X.

De primo notandum, quod omnes testamentum facere possint, qui non prohibentur. *fac. l. 43. pr. ff. de vulg. & pupill. subst. prohibentur verò alii naturâ, alii legibus.*

XI.

Naturâ prohibentur vel ob defectum animi, ut impubères. §. 1. *Inst. quib. non est permiss. fac. test. l. 5. 19. ff. qui test. fac. poss. l. ult. C. de test. mil.* Furiosi & mente capti. *d. §. 2. l. 16. §. 1. ff. qui test. fac. poss. l. 1. §. 8. ff. de bon. poss. secund. tab. aut corporis, ut muti & surdi §. 3. Inst. d. t. l. 6 §. 1. l. 7. ff. qui test. fac. poss.* qui nihil omnino vel audire vel loqui, aut alio modo animi sui sensa exprimere possunt. *l. 10. C. de his qui test. fac. poss.*

XII.

Cæci verò non omnino prohibentur testamenta facere, sed si testari velint, præter communes & consuetas solennitates, alias in super ex Const. Justin. observare tenentur. *l. 18. C. qui test. fac. poss. ut & surdi aut muti, qui vel scripturâ, vel verbis voluntatem suam declarare possunt. d. l. 10. C. d. t.*

XIII.

Lege prohibentur testari, quicumque non sunt cives Romani: veluti peregrini, obsides. *l. 11. ff. qui test. fac. poss. l. 31. 32. ff. de jur. fise. capti ab hostibus, quam diu in hostium potestate sunt. §. ult. Inst. d. t. Deportati. l. 8 §. 1. ff. d. t. (quibus hodiè hæc in re comparantur proscripti ab Imperio.) Servi l. 16. pr. l. 19. ff. h. t.*

XIV.

Ad hunc verò ordinem an etiam capitis damnati referri possint.

52
sint, dubium est? Mihi affirmantium opinio verior videtur. *arg. l. 8. §. 1. 2. ff. d. t. l. 12. 17. pr. 29. cum l. 8. §. 8. ff. de pan. junct. §. 1. 3. Inst. quib. mod. jus pat. pot. §. 2. Instit. de cap. dim. l. 6 §. 7. in fin. de in-just.*

XIV.

Porro legibus testandi facultas interdicta est iis, qui vel nulla bona habent, vel ea non pleno jure, cujus modi sunt filii fam. *princ. Inst. quib. non est perm. fac. test. l. 6. pr. l. 16. ff. qui test. fac. poss. l. 3. §. ult. C. eod. nisi castrense vel q. castrense peculium habeant, in quo Principum Constitut. filiisfam. testamenta condere permissum est. §. ult. Inst. de test. mil. d. pr. Inst. quib. non est perm. l. ult. C. de inoff. test. l. pen. C. de his. qui test. fac. poss.*

XVI.

Quæ testandi facultas, an etiam ad bona adventitia quæ filius pleno jure possidet, pertineat, variè inter Dd. disceptatur. Ego Affirm. opinioni subscribo. *per l. ult. §. 5. vers. filiis autem fam. C. de bon. qualib.*

XVII.

Prodigi etiam, postquam magistratus interdicto bonorum administratione ipsis curatore dato interdictum est, testamentum facere nequeunt. *§. 2. Inst. quib. non est perm. l. 18. ff. qui. testam. fac. poss.*

XVIII.

Minores verò puberes testamentum facere possunt. *l. 3. §. 3. ff. de admin. tut. etiam si curatores habeant. l. 77. §. 14. de leg. 2. l. 20. §. 1. de lib. leg. & proinde bonorum suorum administratio illis non sit commissa. l. 1. §. ult. ff. de minor.*

XIX.

Non sufficit autem, testatorem habuisse testandi facultatem, nisi etiam testamentum secundum leges factum sit. *supr. th 9. Idque potissimum apparet, ex formâ testandiâ legibus præscriptâ, quæ in testamentis solennibus alia, alia in minus solennibus.*

XX.

In testamento solenni requiritur I. ut testamentum uno eodemque contextu, vel eodem tempore peragatur, nullo alio actu extraneo inter veniente. *§. 3. Inst. de test. ord. l. 21. §. ult. ff. qui test. fac. poss. l. 21. pr. v. In omnibus. §. 2. l. 28. C. de testam.*

A 2

Ue

XXI.

II. Ut adsint 7. testes, à testatore, vel ejus nomine à notario (ut communiter observari solet) singulariter ad testamenti factio- nem rogati. *l. 21. §. 2. ff. qui test. fac. poss. l. 21. pr. C. de testam.*

XXII.

III. Ut testator voluntatem suam declaret, præcipuè verò quoad heredis institutionem, quæ fundamentum & caput est testa- menti. *34. Inst. de legat. l. 3. v. Calpurnius. ff. de his quæ in test. del. l. 1. §. ult. ff. de vulg. & pup. in testamento nuncupativo quidem nuncupatione. h. e. verbis clarè & intelligenter coram testibus pro- latis. §. ult. l. de test. ord. l. 21. pr. ff. qui test. fac. poss. l. 21. §. 2. l. 26. C. de testam. quâ etiam nuncupatione, concurrentibus requisitis th. præced. testamentum nuncupativum perfectum est. *dd. ll.**

XXIII.

In scripto verò testamento heredis nomen adscribi debet, per manum testatoris aut testium, quod olim necessarium fuit. *§. 4. Inst. de test. ord. l. 29. C. de testam. vel, ex jure novissimo, per manum cu- jus cunque. N. 119. c. 8.*

XXIV.

Porrò in testamento scripto etiam singulariter requiritur, ut tum testator (vel ejus nomine, si ipse scribendi imperitus sit, octa- vus testis) tum etiam testes omnes (& si eorum quidam scribere nesciant, reliqui literarum periti illorum nomine) subscribant. *d. §. 3. l. pen. ff. qui test. fac. l. 12. ult. C. de testam. & testes in conspe- ctu testatoris signacula sua testamentis imponant. d. §. 3. & §. 5. Inst. de test. ord. l. 9. C. de testam. annulo quidem ex jure Justin. d. §. 5. l. 22. §. 5. ff. qui test. fac. poss. l. 12. C. de testam. non modo suo sed etiam alieno. *dd. ll. hodie verò alio quovis sigillo fac. Const. Maxim. l. An- no 1512. Tit. Von Testamenten/ §. Die form. & §. Es mögen.**

XXV.

An autè nõ omniũ testium subscriptio necessaria sit, cum te- stator manu suâ testamentum scripsit? Ita à quibusdam traditur, sed (ut videtur) sine certo fundamento.

XXVI.

Non omnes verò possant esse testes in testamento, sed illi duntaxat, cum quibus est testamenti factio. *§. 6. l. de test. ord. l. 16. 18. ff. qui test. fac. poss. Qui verò sui juris testamenta facere neque- unt,*

unt, illi etiam testes in testamento esse vetantur, etiam si ex aliorum
testamentis sibi vel aliis acquirere possint. *dd. ll.*

XXVII.

Arcentur etiam à testimonio in testamento perhibendo, illi,
quos leges jubēt improbos & intestabiles esse, velut adulterii vel ob
carmen famosum *l. 18. ff. de test. l. 18. §. 1. ff. qui test. fac.* aut repe-
tundarum damnati. *l. 15. pr. ff. de testib. l. 20. §. 5. ff. qui test. fac.*
poss. licet eorum quidam testamenta facere possint. *l. 13. 14. ff. de his*
quæ ut indig.

XXVIII.

Prædicta tamen requisita non semper sufficiunt, ut testa-
mentum valeat, sed testator, qui suos heredes habet, eos necessariò
vel instituere, vel ex heredare tenetur. *pr. & t. t. Inst. de exher. lib. tit.*
ff. de lib. & post.

XXIX.

In minus solennibus testamentis solennitates hæc observa-
re necesse non est. Quò pertinet testamentum militis, quod solâ
militis voluntate absolvitur, dummodo de eâ legitimis probationi-
bus constet. *§. 1. l. de test. mil. l. 1. 15 §. 1. l. 40. inf. pr. ff. de test. mil.*

XXX.

Hoc autem privilegium militibus tantùm, qui in ex peditio-
ne & castris degunt, Principum Constitut. concessum est *§. 3. Inst.*
de test. mil. l. pen. C. eod. & hodiè quoque militibus qui in justis
bellis stipendia merent, competit. *Constit. Maxim. Ann. 1512. Tit.*
Bon den Testamenten. §. Und sollen.

XXXI.

Secundò minus solenne testamentum etiam est, testamentum
parentis interliberos; quod licet imperfectum sit, h. e. vel legitimo
numero testium, vel aliis solennitatibus destituatur, inter liberos
valet. *l. 21 inf. pr. §. 1. C. de testam. N. 107. c. 1. 2.* Ita tamen, ut liberi
in eo instituti parentibus magis ab intestato, quam ex testamento
succedere videantur. *l. 16. ult. C. fam. ercisc.*

XXXII.

Tertiò, testamentum tempore pestis factum: In quo illud qui-
dem remittitur ne testes jungi & sociari necesse sit numerus tamè
7 testium non minuitur, sed totidem, quos in testamento solenni
aliàs necessarii sunt, requiruntur. *l. 8. C. de testam.*

A 3

Codicilli

XXXIII.

Codicilli autem hūc non sunt referendi, utpote qui in jure nostro testamenti appellatione nunquam veniunt: sed testamento semper opponuntur. *fac. l. 7. C. de codicill.*

XXXIV.

Quamvis verò testamentum, in quo prædictæ solennitates observatæ sunt, jure subsistat. Certis tamen modis infirmari potest *l. 1. ff. de injust. rupt. veluti, cum rumpitur agnatione sui heredis. §. 1. Inst. quib. mod. test. infirm. l. 1. 6. ff. de injust. rupt. l. 28. §. 1. ff. de lib. & post. aut per posterius testamentum. §. 2. 3. l. d. t. l. 1. 2. ff. de injust.*

XXXV.

Perfectum autem oportet esse posterius testamentum, ut per illud prius rumpatur, *dd. ll. l. 20. C. de testam.* nisi posterius jure militari factum sit, vel in eo heres scriptus, qui ab intestato venire potest. *l. 2. ff. de injust. l. 21. §. 2. C. de testam.* quo casu rupto priori testamento, defuncto succeditur, tanquam ab intestato, *d. l. 21. §. 2.*

XXXVI.

Nudâ autem revocatione testatoris, se intestatum decedere velle dicentis, factâ coram testibus, prius testamentum rumpi non videtur. *§. 7. Inst. quib. mod. test. infirm. l. 36. §. pen. ff. de test. mil. l. 27. Cod. de testam.* Ut nec per posterius testamentum, in quo suus heres præteritus est *l. 7. ff. de lib. & post.*

XXXVII.

Deinde, infirmatur etiam testamentum, cum irritum fit; quod accidit, cum testator capitis deminutione statum suum in deterius mutavit, dum vel alterius juri subjectus est, vel civitatem aut libertatem amisit. *§. 4. Inst. quib. mod. test. infirm.*

XXXVIII.

Cum enim status per capitis demin. in melius vertitur, veluti emancipatione filii, testamentum antea factum non infirmatur. *l. 6. §. ult. ff. de injust. l. 28. §. 1. ff. de lib. & post.*

XXXIX.

Testamentum autem hoc modo irritum factum convalescit si testator tempore mortis in pristinum statum restitutus sit, & codicillis, vel literis declaraverit, velle se ut testamentum valeat *§. 6. Inst. d. t. l. 11. §. 2. ff. de bon. poss. secundum tab. add. l. 12. pr. l. 17. ff. de injust.*

Et

XL.

Et his quidem modis ipso jure testamenta infirmantur. Superest alius modus, quo rescinduntur per actionem, videl. inofficiosi querelam, quam liberi vel parentes defuncti, sine justâ causâ (cujusmodi recensentur in *Nov. 115. c. 3. 4.*) exheredati vel præteriti, intra quinquennium contra testamentum instituere possunt, ad eum effectum, ut non probatâ ab herede justâ ex heredationis causâ. *l. 30. pr. C. de inoff. test. N. 115. c. 3. §. 13.* testamentum quoad heredis institutionem infirmetur, reliqua verò eius capita, legata scil. tutoris datio, &c. firma maneant. *d. N. 115. c. 3. in fin. & c. 4. in fin.*

XLI.

Fratribus & sororibus (consanguineis, non etiam uterinis) defuncti, tum demum hæc querela competit, cum turpibus personis heredibus institutis à fratre præteriti sunt. *§. 1. Inst. de inoff. test. l. 21, 27. Cod. eod.*

XLII.

Denique, jure Prætorio testamentum infirmatur, bonorum possessione contra tabb. quæ datur liberis in testamento patris præteritis, quos Prætor præteriti noluit *l. 1 pr. ff. de bon. poss. cont. tabb. §. 3. l. de exher. lib.*

XLIII.

Hæc breviter & generaliter de testamentis dicere volui, reliqua specialiora, quæ permulta esse non invitatus fateor, suo loco relinquens.

CEDAM MELIORA DOCENTI.

COROL.

re
o
es
o-
s.
b.
de
et
ni-
o-
e-
ere
on
27.
ne-
od
ius
er-
uti
l.6.
scit
, &
§.6.
iust.
Et



COROLLARIA.

- I. An iusta exheredationis causa sit, si liberi sine parentis consensu nuptias contrahant, dubitatur. In filiâ id affirmandum puto. Negandum in filio.
- II. An sumptus, quos pater in nuptias liberorum impendit, conferendi sint? Disting.
- III. Sumtus filio studiorum gratiâ suppeditatos, sicut & Doctoratus impensas non venire in collationem verius est.

FINIS.



AD PRAESTANTISSIMUM DN. IOH.

WOLFFGANGUM FABRICIUM, DE TESTAMENTIS publicè disputaturum.

Quòd si quisque sibi Faber est: tu Candide Ian - VVolf
Fortuna faber es, Fabriciusq; tua.

Mens incus, lingua est tibi acutus malleus, os est

Forceps. Quid fabricas? verbaq; resq; bonas.

Materia, ex cerebro talis quæ nascitur alto,

Significat mihi: quod sis Faber athereus.

Amico suo singulari, gratulabundus apposuit.

Tobias Kirchmair, I. V. D.

Aliud.

Sicut avi, proavique tui, charique parentes,

Sicut item juncti sanguinis officio,

Quotquot erant unquam, & super hoc sunt tempore, longus

Immo ingens esset quos numerare labor,

Sidera magnatum clarebant celsa per aulas,

Publica adornantes commoda consiliis;

Hos tibi ad exemplum positos imitari, ut olim

Asideas simili nomine Caesaribus.

Et ne quis dubitet, cathedram nunc scandis, ab istâ

Fœcundi ingenij ritè daturus opes,

Et quasi ventura sparsurus semina frugis,

Vnde olim valeas par generi esse tuo.

Credo quòd is possis sine nostro evadere voto;

Addo tamen, Faciant te tua cæpta parem.

Amico suo suavissimo f.

M. Samuel Glonerus. P. L.

Aliud.

Mirus tu Faber es, alij cum ferrea cudant
Fabrici, doctas tu fabricare theses.

singularis fraterni amoris ergò f.

Ioh. Casparus Vogler.

Aliud.

Per multos reperire licet vix ista videntes,
Quae sunt ante pedes, Iustiniane, tuos
Qui tamen & Iurisconsulti nomine gaudent,
Sint licet exculti Iure vel arte, parum.
Hinc fit ut ex adiutis legum dissolvere pauca
Vel nihil omnino, nisi mala forte, queant.
Sic puto: si saperent insulsi, Iustinianus
Bartolus & Baldus muribus esca forent.
Tu, modo, Fabrici, juris Sacra viscera rumpis
Et magis explanas, quae latuere magis.
Intra animas legum perplexas solvere strophas
Iura bonis referens: ferrea Vincla malis.
Esto quod es, paucis similis, nullique secundus
Laus magna interim erit, post tua fata tibi.

Bono animo gratulabundus accinebat
agnatus

Joh. Ludovicus Müller.
Kittingâ-Fr.

Aliud.

Ultima Testantis veluti Testatio mentem
Exprimit, & Fabrum praeedicat artis opus:
Sic doctam haec Fabri testantur lemmata mentem
Laudat & artifices fabrica pulchra manus.

Benevoli Affectus & fraterni Amoris
ergo appos.

Vincentius Müller von Hamburg.


Strassberg, Diss., 1623-26

X2617020

WDM







POSITIONES IVRIDICAE

De
TESTAMENTIS
QVAS
IN NOMINE SACRO-
SANCTÆ TRINITATIS.

33 / 50.5

1626,7

SUB PRÆSIDIO
Clarissimi & Consultissimi Viri,
DN. SIGISMUNDI Glach/
V.I.D. ET VNIVERSITATIS ARGEN-
TORATENSIS INSTITUTIONUM PRO-
fessoriſ celeberrimi,

Fautoris ſui perpetim honorandi.
Publici exercitii gratiâ ventilandas exhibet
JOHANNES WOLFFGANGUS FABRICIUS
Windshemio - Francus.

Ad d. 21 Octob.
In Auditorio ICtorum.



ARGENTORATI,
EXCUDEBAT PAULUS LEDERTZ,
Anno M. DC. XXVI.

